

Qilalukkanik qaqrutanik qernertanillu illersuineq piniarnerlu pillugit Namminersorlutik Oqartussat nalunaarutaat

Piniarneq aallaaniarnerlu pillugit Inatsisartut inatsisaanni nr. 12, 29. oktober 1999-imeersumi, kingullermik Inatsisartut inatsisaata allanngortinnera pillugu Inatsisartut inatsisaatigut nr. 1, 16. maj 2008-meersumi, § 2, imm. 4, § 8, § 9, imm. 2, § 12, § 13, § 15, imm. 4, § 17, imm. 2 aamma § 18, naapertorlugit aalajangersarneqarput:

Kapitali 1

Atuuffi

§ 1. Kalaallit Nunaanni qilalukkanik qaqrutanik (*Delphinapterus leucas*) aamma qilalukkanik qernertanik (*Monodon monoceros*) illersuineq piniarnerlu pillugit nalunaarut.

Kapitali 2

Eqqissisimatitsineq

§ 2. Qilalukkat qaqrat qernertallu Kalaallit Nunaanni tamarmi eqqissisimatitaapput, § 3-mi taaneqartut kisiisa pinnagit.

Imm. 2. Imm. 1 sassanut atuutinngilaq, § 17 naapertorlugu.

Kapitali 3

Pisassiissutinik piniarfinnillu aalajangersaaneq

§ 3. Naalakkersuisut qilalukkanik qaqrutanik qernertanillu piniakkamut ataatsimut immikkut ukiumut ataatsimut imaluunniit ukiunut arlalinnut pisassiissutinik aalajangersaassapput. Pisassiissutit aalajangersarneqassapput nunat tamalaat isumaqtigiiissutaat, uumassusilinnik misissuisut siunnersuinerat, atuisut ilisimasaat kiisalu Piniarneq pillugu Siunnersuisoqatigiinnik tusarniaasimaneq tunngavigalugit.

Imm. 2. Qilalukkanik qaqrutanik qernertanillu piniarnermi ukioq pisassiiffik tassaavoq 1. januaarimiit – 31. decembarimut ullut taaneqartut ilanngullugit.

Imm. 3. Nunap aggornikaartumik piniakkat killeqarfekarput aammalu uumasorsiuut ilisimasaanni nutaanerpaani inassuteqaataannilu sumeersisigaallutik.

Imm. 4. Nunap aggornerata killeqarfiusup iluani piniakkanut pisassiissutit, kommunikaartumik, aqutsivikaartumik aamma nunaqarfikkaartumik aalajangersaavagineqarsinnaapput.

Imm. 5. Qilalukkanik qaqrutanik imaluunniit qilalukkanik qernertanik nunap aggornerata ataatsip killeqarfia iluani pisassiissutit atunngitsuukkat pisassiissutinut tamarmiusunut nunap aggornerani

pineqartumi ukiup pisassiiffiusup tullianut nuunneqarsinnaapput.

Imm. 6. Qilalugaqtigiaat nunap aggorerata killeqarfinitik nalunaaaruteqarneq aammalu Kalaallit Nunaata imartaani piniarfissanik aalajangiinerit tamanut nalunaaarutigineqassapput Namminersorlutik Oqartussat nittartagaani www.naalakkersuisut.gl tusagassiorfinnullu nalunaaarutigineqarlutik.

Kapitali 4

Tusarniaaneq aamma pisassiissutinik agguassineq

§ 4. Nunap aggorerisa assigiinnitsut iluini piniakkanut pisassiissutinik agguassassinissaq kommunikkaartumik aamma aqutsiveqarfikkartunut tunngassuteqartut annertussusiat Aalisarnermut, Piniarnermut Nunalerinermullu Naalakkersuisumit, Kalaallit Nunaanni Aalisartut Piniartullu Kattuffiannik, KNAPK, Tapertalarugu Piniartartut Aalisartartullu Kattuffiannik, TPAK aamma KANUKOKA-mik tusarniaareernerup kingornatigut suliarineqassaaq.

Imm. 2. Piniarneq pillugu Siunnersusoqatigiiit pisassiissutinut sinaakkusiussat pillugit tusarniarneqassapput.

§ 5. Aalisarnermut, Piniarnermut Nunalerinermullu Naalakkersusoq ukiumi pisassiiffiusumi imaluunniit ukiumi pisassiiffiusumi tulliuttumi kommunimut pisassiissutinik appasinnavaoq paasineqarpat, qilalukkanik qaortanik imaluunniit qilalukkanik qernertanik aqutsiveqarfimmi unioqqutitsisumik piniartoqartoq. Uiaq pisarineqartoq qilalukkamik qaortamik qilalukkamilluunnit qernertamik inersimasumik ataatsimik amerlassusiliinertut atuuppoq.

§ 6. Piniarnermi ukiumoortumik pisassiissutit tusagassiorfinnut nalunaaarutit aamma Namminersorlutik Oqartussat nittartagaat www.naalakkersuisut.gl aqqutigalugit tamanut saqqummiunneqassapput.

Kapitali 5

Piniarsinnaatitaasut, akuersissutinik tunniussineq agguassinerlu

§ 7. Nunap aggorerini killiliussap iluani Naalakkersuisut pisassiissutinik aalajangersagaasa iluini, qinnuteqarnerup kingornatigut § 3-imí akuersissutinik normulersukkanik communalbestyrelsí tunniussissaaq.

Imm. 2. Akuersissutinik agguassinermi peqataasinnaajumalluni piffissami qinnuteqaateqarfiusussami aamma piniarnerup nalaani qinnuteqartoq

- 1) Inuussutissarsiutigalugu piniarnermut allagartamik atuuttumik imaluunniit sunngiffimmi piniarsinnaanermut allagartamik atuuttumik peqassaaq aamma
- 2) Aqutsiveqarfimmi akuersissutip tunniunneqarfigisaani najugaqartutut inuit nalunaarsorsimaffianni nalunaarsorsimassaaq.

Imm. 3. Akuersissummik tunniussinerminut peqatigitillugu communalbestyrelsíp nalunaarummi ilanngussap 1-ip assinga akuersissummik pissarisumut tunniutissavaa.

§ 8. Nalunaarummi matumani aalajangersakkat pineqartut naapertorlugit inuit akuersissutinik pigisaqartut kisimik qilalukkanik qernertanik imaluunniit qilalukkanik qaortanik pisaqarsinnaapput.

Imm. 2. Akuersissut inummut atiatigut taasamut taamaallaat atuuppoq allanullu tunniunneqarsinnaanani imaluunniit tuniniarneqassanani.

Imm. 3. Akuersissut ataaseq ukiumi pisassiiffiusumit ataatsimit akuersissutip tunniunneqarfiani, sumiiffimmiit qilalukkamik ataatsimik pisaqarnissamut periarfissiivoq.

§ 9. Kommunalbestyrelsi nunaqarfinni ataasiakkaani aqutsisut, najukkanilu aalisartut piniartullu peqatigiiffi isumasioqatigereerlugit kommunip aamma aqtsiveqarfut qilalukkanik qaqortanik qernertanillu pisassiissutaannik inuussutissarsiutigalugu piniartunut aamma sunngiffimmi piniartartunut agguassinissaq pillugu piumasaqaatinik, aalajangersaasinnaavoq.

Imm. 2. Sunngiffimmi piniartartut aqtsiviup qilalukkanik qaqortanik qernertanillu pisassiissutaasa 0-10 %-iisa akornanni amerlassuseqartunik pisassinneqarsinnaapput.

§ 10. Kommunalbestyrelsi kommunimi ileqqoreqqusaliaq aqqutigalugu ataatsimoorluni piniarnissami pisassiissutit pillugit malittarisassanik aalajangersaasinnaavoq. Ataatsimoorluni piniarnermi pisassiissutinik sippuingginnissaq qulakkeerneqassaaq, takuuq § 8, imm. 3.

Imm. 2. Ataatsimoorluni piniarneq paasineqassaaq, piniartunit ataatsimoortunit ukunannga inunnit inuussutissarsiutigalugu piniarnermut allagartalinnit, imaluunniit inunnit sunngiffimmi piniarsinnaanermut allagartalinnit imaluunniit piniarsinnaatitaasunit taakkunannga marlunnit peqataaffigineqartumik aamma ataatsimoorluni piniarnissamut akuersisummik tunineqarsimasunit piniarneq ingerlanneqartoq.

Imm. 3. Kommunalbestyrelsi pisassiissutigineqartunik peqqissaartumik nakkutilliissaq.

Pisassiissutigineqartunik atuineq malittareqqissaarneqassaaq piniarnerlu ingerlaannartumik unitsinneqassalluni, kommunimut pisassiissutit imaluunniit aqtsivimmut pisassiissutit tamakkerneqarpata.

Imm. 4. Kommunalbestyrelsip kommunimit pisassiissutigineqartut imaluunniit aqtsiveqarfimmumt pisassiissutigineqartut tamakkerlugit pisarineqarpata, Aalisarnermut, Piniarnermut Nunalerinermullu Naalakkersuisoqarfimmumt allakkatigut saaffiginnissaq.

§ 11. Kommunalbestyrelsi pisaqarnissamut akuersissutit aaneqarnissaannut piffissamik killiliisinnaavoq.

Imm. 2. Piniartut akuersisummik tunineqarsimasut akuersisummilli atuisinnaanngitsut imaluunniit atuerusunngitsut, piaarnerpaamik akuersissut atorneqanngitsoq akuersissutinik agguassisussaatitaasumut utertissavaat.

Imm. 3. Akuersissutit piffissaliussatut killiliussap iluani aaneqanngitsut, sumiiffimmi aqtsiviup iluani pisortatigoortumik utaqqisunut allattorsimaffik naapertorlugu agguateeqinnejqarsinnaapput.

Imm. 4. Akuersissutit aaneqanngitsut aamma akuersissutit ukiumi akuersissuteqarfiusumi pisassiissutinit sinneruttunik agguasseqqinnerup nalaani atorneqanngitsoortut, pissusissamisoortumik agguasseqqinnermut atatillugu pisassiissutinut ilangunneqassapput, tamatumalu kingornatigut siusinnerusukkut akuersisummik piginnittumit atorneqassanatik. Tamatuma kingornatigut taakku kommunip iluani immikkut piniakkanut pisassiissutit aamma kommunip ileqqoreqqusaliaanut tunngatillgu aalajangersakkat naapertorlugit agguateeqinnejqassapput. Agguasseqqinnermut piffissaliussaq piffissap piniarfiusussap aallartinnginnerani communalbestyrelsip nalunaarutigissavaa aamma tamanna akuersissummi takuneqarsinnaassaaq.

Imm. 5. Kommunini aamma sumiiffinni aqtsivinni pineqartuni najukkani aalisartut piniartullu peqatigiiffiinik tusarniaareernerup kingornatigut agguasseqqinnejq ingerlanneqassaaq.

Kapitali 6

Piniariaatsit

§ 12. Qilalukkanik qaqortanik qernertanillu piniarnermi taamaallaat qoorortuut akuerisaasut minnerpaamik .30-06 (7,62x63 mm)-mik sulloqqortussusillit atorneqassapput. Qoorortuunik eqittaannartakkanik atuineq inunnut inuussutissarsiutigalugu piniarnermut allagartalinnut

ajornartitaanngilaq.

Imm. 2. Ajornartinnagu qilalugaq qaqortaq qernertarluunniit toqussutissaanik nangillugu aallaaneqartinnagu naalillugu annaanaveerneqassaaq.

Imm. 3. Qilalukkanik qaqortanik qernertanillu piniarnermut atatillugu taamaallaat ajornartitaanngilaq qassutinik nigartap tamakkerluni iluatungimigut nerutussesianik minnerpaamik 380 mm-inik atuinissaq, Qaanaap aqutsiveqarfiani kiisalu Tunumi sumiiffinni aqutsiveqarfanni. Qassutit atorneqartut piginnittup aqcanik nalunaaqtserneqarsimassapput, akuttungitsunillu alakkarneqartarlutik piniarnermilu atorneqareernermik kingornatigut qaquinneqassallutik.

Imm. 4. Aqutsiveqarfanni qilalukkanik qaqortanik imaluunniit qilalukkanik qernertanik piniarnermut atatillugu atorneqarfiani, communalbestyrelsi qassusersorluni piniarneq pillugu kommunimi ileqqoreqqusamik suliaqassaaq.

Imm. 5. Qilalukkanik qaqortanik aamma qernertanik piniarneq Qimusseriarsuarmi eqqisisimatitami Immikkoortoq 2-mi qajaq atorlugu ingerlanneqassaaq. Qaqortat imaluunniit qernertat aallaaneqartinnagit naalinneqassapput.

§ 13. Timmisartut, qulimiguullit qamutillu motoorinik ingerlatillit suugaluartulluunniit qilalukkanik qaqortanik qernertanillu piniarnermut atatillugu imaluunniit piniarfimmum tassanngaannillu angallatitut atoqqusaanngillat, taamaattoq takuuk § 17, imm. 5.

§ 14. Taamaallaat angallatit, angallatip angissusianut uppermarsaat malillugu 14 meterinik takissuseq tamakkerlugu (t.t.) takitigisut taassuminngaluunniit mikinerusut, qilalukkanik qaqortanik qernertanilluunniit piniarnermut atatillugu atorneqassapput. Angallatini GR-normulinni 14 meterinik (t.t.) takissusillit taassuminngaluunniit mikinerusuni aalajangersimasumik inuttat angallammik piginnittoo sinnerlugu piniarsinnaapput.

Imm. 2. Qilalukkanik qaqortanik qernertanilluunniit piniarnermut atatillugu angallatinik imm. 1-imi taaneqartuniit allanik atuinissaq inerteqquaavoq.

Imm. 3. "Angallatinik allanik" paasineqassaaq angallatit qanorluunniit angissuseqartut, kalittaatitut imaluunniit, imm. 1 malillugu angallatinit akuerisaasunit qilalukkanik qaqortanik qernertanilluunniit pisanut atatillugu assartuutitut atorneqartut.

Ungusineq

§ 15. Ungusilluni piniarnerit tamarmik soorlu sinerissamut patugullugit aninaveersitsineq imaluunniit sinerissamut imaluunniit sikup sinaavanut tatisillugit assiinerit inerteqquaapput.

Kapitali 7

Naalakkersuisoqarfimmit akuerineqareernerup kingornatigut toqutsineq

§ 16. Aalisarnermut, Piniarnermut Nunalerinermullu Naalakkersuisoqarfimmit akuerineqareernikkut qilalukkanik qaqortanik qernertanilluunniit annertuumik ikilerneqarsimasunik, qilalukkanik qaqortanik qernertanilluunniit aalisarnermut atatillugu qassutinut imaluunniit aalisarnermut atortunut allanut nuiguussimasunik toqutsisoqarsinnaavoq.

Imm. 2. Qilalukkamik qaqortamik qernertamilluunniit akuerisaasumik pisaqareernerup kingunerisaanik paasineqarpat pisaq nappaammik imaluunniit assigisaanik pissuteqartumik inunnut nerisassatut naleqquttuunngitsoq, tamatuma kingunerisaanik Aalisarnermut, Piniarnermut Nunalerinermullu Naalakkersuisoqarfipisap toqunneqartutut isigineqarnera akuerisinnaavaa. Akuersissut atorneqarsimappat taanna atuutiinnassaaq.

Imm. 3. Imm. 1 naapertorlugu piniakkat toqunneqartut najukkami innuttaasunut

agguaanneqarsinnaapput, pisaq nerisassatut naleqquppat. Saarngit aamma kigutit (tuugaaq) Naalakkersuisoqarfip pigisarai, toqunneqarneratalu kingornatigut kingusinnerpaamik ullut 14-t qaangiunneranni uunga Postboks 269, 3900 Nuuk, nassiunneqassallutik.

Kapitali 8

Sassat

§ 17. Sasanik naammattuuisoqarpat tamanna najukkami oqartussaasumit Aalisarnermut, Piniarnermut Nunalerinermallu Naalakkersuisoqarfimmut uppermarsarneqassaaq. Naalakkersuisoqarfik sassinerup aallartinneqarnissaanut akuersissaaq, Naalakkersuisoqarfip nalilerpagu qilalukkak aniguisinnaanerat ilimanangitsoq. Akuersissut kommunalbestyrelsimit imaluunniit sumiiffimmi aqutsiviusumi najukkani oqartussaasunut nalunaarutigineqassaaq, tamatuma kinguninngua nunaqarfitt illoqarfullu pineqartut ilisimatinneqassallutik.

Imm. 2. Sassat ima paasineqassaput qilalukkak qaqortat qernertalluunniit sikumi ammalatami mattussaasimasut taamaalillutillu uumallutik nammineerlutik aniguisinnaanngitsut.

Imm. 3. Kikkulluunniit inuussutissarsiutigalugu piniarnermut imaluunniit sunngiffimmi piniarsinnaanermut atuuttumik allagartallit sassinermi peqataasinnaapput. Sassinermi pisat piniartut ataasiakkaat qilalukkanik qaortanik qernertanilluunniit pisassaannit imaluunniit sumiiffimmi aqutsiviusumi pisassanit ilaatinneqassangillat.

Imm. 4. Sassinermi pisat ima amerlatigisinnaapput kingusinnerpaamik sassinerup naammassinerata kingornatigut pisat tamakkerlutik qularnaatsumik qimussimik angallanneqarsinnaassallutik.

Imm. 5. Taamaattorli pisuni immikkut ittuni silap sikullu pissusii pissutigalugit pisat tuaviortumik immikkullu ittumik angerlaassorneqartariaqalersillugit sassivimmuit qamuteralaat angerlaassuinermit orneqarnissaannut kommunalbestyrelsi immikkut akuersissuteqarsinnaavoq.

§ 18. Neqit, mattaat orsullu nalunaaqutsikkat qilalukkallu pitutat piginnittui akuersitinnagit nikisinneqassangillat, kommunalbestyrelsi imaluunniit sumiiffimmi aqutsiviusumi najukkami oqartussaasut sila pissutigalugu pisat angerlaannissaannut tunngatillugu, piffissamik aalajangiisimanngippata piffissaliussarlu taanna eqqortinneqarsimanngippat.

Kapitali 9

Pilanneq

§ 19. Qilalugaq nunamut sikumulluunniit qaqqiinnavillugu pilanneq aallartinneqassaaq. Nerisassartai orneqarsinnaasullu allat tamarmik angerlaanneqarlutilluunniit qimatulineqassapput. Pilaffiusimasoq perlukuiarneqarsimassaqaq.

Imm. 2. Iliveeqiviit najukkami piniarnermut aalisarnermallu nakkutilliisumut nalunaarutigineqassapput.

Imm. 3. Taamaallaat angallatit, angallatip angissusianut tamakkiisumut uppermarsaati malillugu 14 meterinik t.t.-mik takissusillit taannaluunniit inorlugu angissusillit angallatip nammineq pisaanik pilaffigineqarsinnaapput.

Kapitali 10

Saniatigut pisat aamma pissaaneq

§ 20. Qilalukkanik qaortanik imaluunniit qilalukkanik qernertanik saniatigut pisat kommunip imaluunniit sumiiffiup aqutsiviusup pisassaanit ilanngaatigineqassapput.

Imm. 2. Qilalukkanik qaqrortanik qernertanilluunniit pissaasoqartillugu sappingisamik piaarnerpaamik piniarnermik aalisarnermillu nakkutilliisoq tamanna pillugu attavigneqassaaq aamma pissaaneq kommunimi imaluunniit sumiiffimmi aqutsiviusumi pisassiissutinit ilanngaatigineqassaaq.

Kapitali 11

Tunisinermi piumasaqaatit

§ 21. Qilalukkat qaqrortat qernertallu pisat tunineqassangillat kommunimi imaluunniit nunaqarfimmi allaffik akuersisummit naqissusiinikkut ullulerlugu pisamik nalunaarsuereertinnagu, taamaattoq takuuk imm. 3.

Imm. 2. Pisanik taakkualuunniit ilaannik tunisisoqassanngilaq pisisoqaraniluunniit akuersisummit piginnittooq imaluunniit akuersisummit naqissusiitseqqaartinnagit, tunisinermut atatillugu qinnuiginneq malillugu takutissinnaasaminnik. Assilinerani takuneqarsinnaassaaq pisap kommunimi oqartussaasumit nalunaarsorneqarsimanera.

Imm. 3. Taamaattoq kommunip allaffia nunaqarfimmiluunniit allaffiup ammanerisa avataatigut tuniniaaneq aallartinneqarsinnaavoq, allaffik ammarniariartoq nalunaarsusoqarsinnaappat.

Imm. 4. Qilalukkat qaqrortat qernertalluunniit unioqqutitsinikkut pisarineqarsimasut mattaannik, neqaannik aamma kigutaannik (tuugaavinik) pisineq imaluunniit pissarsineq inerteqqutaavoq.

Tunisineq

§ 22. Angallatit qilalukkat qaqrortat qernertallu neqaannik, orsuunik mattaannillu tunitsivittut atorneqassangillat.

Imm. 2. Tunitsivinnut akuerisaasunut inuussutissarsiutigalugu piniartut, inuussutissarsiutigalugu piniarnermut atuuttumik allagartallit akuersisummillu naqissusersimasumik takutitsisinnaasut kisimik pisanik tunisisinnaapput, takuuk § 21, imm. 1 aamma 2.

Imm. 3. Naalakkersuisut kommuninut tunisinissamut pisassiissutit aalajangersakkat iluini pisassiissutinik aalajangersaasinnaapput, piniarnermut atatillugu kommuninut pisassiissutinik tunineqarsimasunut.

Imm. 4. Tunisinissamut atatillugu pisassiissutinik aalajangersaasoqarsimatillugu, tunitsiviit ullormut tunisat annertussusiat pillugu paassisutissanik Aalisarnermut, Piniarnermut Nunalerinermullu Naalakkersuisoqarfimmut nassitsissapput, tunisinerup akuerisaanerata atuunnerani.

Imm. 5. Aalisarnermut, Piniarnermut Nunalerinermullu Naalakkersuisoqarfiup kommunimi pineqartumi imaluunniit sumiiffimmi aqutsiviusumi tunitsivimmut tunisinerup qaqgu uninnissaa nalunaarutigissavaa.

Tuniniaaneq

§ 23. Najukkami kalaalimineerniarfinni allatullu tuniniaanerni inuussutissarsiutigalugu piniartunit atuuttumik piniarnermut allagartalinnit pisaqarnissamullu akuersisummit naqissusikkamik peqartunit taamaallaat ingerlanneqarsinnaavoq, takuuk § 21, imm. 1 aamma 2, imaluunniit inunnit tamatumunnga piginnaatitaasunit piumasaqarneq naapertorlugu uppermarsaammik takutitsisinnaasunit.

Imm. 2. Toqqaannartumik sulifinnut, suliffeqarfinnut neriniartarfinnulluunniit tunisineq inuussutissarsiutigalugu piniartunit atuuttumik inuussutissarsiutigalugu piniarnermut allagartalinnit pisaqarnissamullu akuersisummit naqissusikkamik peqartunit taamaallaat ingerlanneqarsinnaavoq, takuuk § 21, imm. 1 aamma 2, imaluunniit inunnit tamatumunnga piginnaatitaasunit piumasaqarneq naapertorlugu uppermarsaammik takutitsisinnaasunit.

Imm. 3. Suliffit, suliffeqarfiit neriniartarfíillu imm. 2-mi taaneqartut qilalukkap qaortap qernertalluunniit neqaa, orsua mattaluunniit inuussutissarsiutigalugu piniartunit atuuttumik piniarnermut allagartalinnit pisaqarnissamut akuersisummik naqissusikkamik peqartunit, pisiaasimanera uppermarsassavaat, takuuk § 21, imm. 1 aamma 2.

Imm. 4. Imm. 3 naapertorlugu uppermarsaat pineqartoq tassaavoq, pisinermut uppermarsaat atsiorsimasoq inuussutissarsiutigalugu piniarnermut allagartap piniarsinnaanermullu akuersissutip naqissusikkap assilineranik ililik.

Imm. 5. Taamaallaat inuit inuussutissarsiutigalugu piniarnermut allagartamik atuuttumik aamma akuersisummik naqissusikkamik peqartut, takuuk § 21, imm. 1 aamma 2, qilalukkat qernertat tuugaavinik imaluunniit qilalukkap qaortap kigutaanik tunisisinnaapput. Allagartaq akuersissutip normalik tuugaarmut ilivitsumut allunaasartalerlugu ikkunneqassaaq.

Kapitali 12

Nalunaaruteqarneq nakkutilliinerlu

§ 24. Qilalukkanik qaortanik qernertanillu pisat, saniatigut pisat pissatallu sapinngisamik piaarnerpaamik kommunimut angerlarsimaffigisamut, illoqarfigisamut imaluunniit nunaqarfimmil affimmut nalunaarutigineqassapput. Nalunaaruteqarneq piniartumit pisaqartumit namminermit isumagineqassaaq, sassinermili pisat, inuussutissarsiutigalugu piniartut eqqarsaatigalugit najukkami Aalisartut Piniartullu Peqatigiiffiannit aamma sunngiffimmi piniartartut pineqartillugit kommunalbestyrelsimit/nunaqarfinni aqutsisunit nalunaarutigineqassallutik. Ataatsimoorluni piniarnermi pisat nalunaarutigineqassapput taamaallaat ataatsimoorluni piniarnermut atatillugu aqutsisussatut toqcarneqarsimasumit.

Imm. 2. Nalunaaruteqarnermi immersugassaq nalunaarummut ilanngussap 1-ip assinga atorneqassaaq. Immersugassat kommunip allaffiani nunaqarfimmiluunniit kommunip allaffiani pineqarsinnaapput. Immersugassat aamma aaneqarsinnaapput Namminersorlutik Oqartussat nittartagaanni uani: www.naalakkersuisut.gl. Qilalukanut pisanut pissatanullu ataasiakkaanut tamanut immersuiffissaq ataaseq immersorneqassaaq, taamaattorli sassinermi pisat tamarmik immersuiffissami ataatsimi nalunaarutigineqassallutik. Akuersissutip kommunimut naqissusikkap assilinera pisanik nalunaarutiginninnermi ilanngunneqassaaq.

Imm. 3. Aammattaaq qilalukkanik qaortanik qernertanillu pisat tamarmik Piniarneq-mi pisanik nalunaarsuiffimmi nalunaarutigineqassapput.

Imm. 4. Kommunalbestyrelsip nalunaarummi ilanngussami 3-mi immersuiffit kiisalu § 21, imm. 1 naapertorlugu akuersissutit naqissusikkat assingi tiguneqarnerisa kinguninngua piaarnerpaamik Aalisarnermut, Piniarnermut Nunalerinermullu Naalakkersuisoqarfimmil nassutiissavai.

§ 25. Inuussutissarsiutigalugu piniarnermut allagartaq atuuttoq imaluunniit sunngiffimmi piniarsinnaanermut allagartaq atuuttoq aamma akuersissut imaluunniit tunisisinnaanermut akuersissut sukkulluunniit politiit, piniarnermik aalisarnermillu nakkutilliisut tamatumunngalu piginnaatitaasut piumasaqarnerisigut tamatigut takutinneqartassaaq.

Kapitali 13

Misissugassat nalunaaqutsersuinerlu

§ 26. Kinaluunniit qilalukkamik qaqtumik qernertamilluunniit pisaqarsimasoq, pisussaatitaasinnaavoq pisap mattaanik, neqaanik anginngitsumik imaluunniit kigutaata ilaanik misissugassanik kommunip allaffianut tunniussinissamik, tassani pisap suunera, ulloq sumilu pisarineqarsimanera pillugu ilisimatitsissutigalugu. Misissugassat Pinngortitaleriffiup plastikkimik puussarititamut tunniunneqarsimasumut asiunaveersaammik imerpalaortalimmut imaluunniit allakkap puuanut ikineqassapput.

Imm. 2. Misissugassat paasissutissallu tunniunneqartut tigunerisa kingornatigut piaartumik kommunip allaffiata Pinngortitaleriffimmut, Box 570, 3900 Nuuk, nassiuressavai.

§ 27. Misissugassanik tigusineq, nalunaaqtsersuineq sulallu allat qilalukkanik uumasunik attuumassuteqartut taamaallaat Pinngortitaleriffimmit ingerlanneqarsinnaapput. Allat Aalisarnermut, Piniarnermut Nunalerinermullu Naalakkersuisoqarfimmut akuersissuteqarnissamik qinnuteqaqqassapput.

Kapitali 14

Immikkut akuersissuteqarneq

§ 28. Aalisarnermut, Piniarnermut Nunalerinermullu Naalakkersuisoqarfik ilisimatusarnermut atugassanik nalunaarummi matumani aalajangersakkanik immikkut saneqqutsisoqarnissaanut akuersissuteqarsinnaavoq.

Kapitel 15

Pineqaatissiinerit

§ 29. § 2-mik, § 8-mik, §§-inik 12-23 aamma § 25-imik unioqqutitsinerit akiliisitsinermik aamma pisamik arsaarinnissuteqarnermk Kalaallit Nunaanni pinerluttulerinermik inatsit malillugu pineqaatissiissutaasinnaapput.

Imm. 2. Nalunaarut malillugu kommunimi ileqqoreqqusanik atortussanngortinneqarsimasunik unioqqutitsisoqartillugu akiliisitsinermik pisamillu arsaarinnermik pineqaatissiisoqarsinnaavoq.

Kapitali 16

Atuutilerner

§ 30. Nalunaarut 15. januar 2016 atuutilerpoq. Peqatigittillugu Qilalukkanik qaqtanik qernertanillu piniarneq pillugu Namminersorlutik Oqartussat nalunaarutaat nr. 7, 29. marts 2011-meersoq atorunnaarpoq. Taamaakkaluartoq kommunip ileqqoreqqusai nalunaarut malillugu atulersinneqartut allangortinneqarnissamik atorunnaarsinneqarnissamilluunniit tungaannut atuutiinnarallassapput.

Namminersorlutik Oqartussat, ulloq 15. januar 2016

Karl-Kristian Kruse

/

Jørgen Isak Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqtaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut